



*Business Support on Your Doorstep*

**EEN FBiH**

*Bilten Poslovne saradnje*

*Februar 2017.*

## EEN BiH PS 1 - Februar 2017

Njemačka firma koja je specijalizovana za elektro instalacije u potrazi je za podugovaračima ili vanjskim saradnicima na određenim projektima. Firma iz Saxonije je prisutna na tržištu 40 godina. Prepoznatljiva je po pružanju električarskih usluga na polju elektroinstalacija za domaćinstva, privredne subjekte i industrijske projekte. Firma je u potrazi za partnerima koji su spremni za dugoročnu suradnju na projektima. Iskustvo ove firme kao i znanja u oblasti električnih instalacija daju oslonac i pouzdanost partnerima. Firma je prepoznatljiva po instalaciji elektroinstalacija, elektro kablova i svjetiljki. Iskustvo u transnacionalnoj saradnji bi bilo poželjno. Također bi bilo poželjno da barem jedan radnik poznaje njemački jezik. Jedan od razloga za dugoročnu saradnju je uspostavljanje čvrstih poslovnih veza sa ugovaračima. Od potencijalnog partnera se traži iskustvo na polju elektrotehnike i instalacije.

## EEN BiH PS 2 - Februar 2017

Francuska firma koja je specijalizovana na polju električnih motora i dizajniranja generatora je u potrazi za podugovaračima u istom sektoru. Firma je prepoznatljiva po prilagođavanju svojih proizvoda zahtjevima kupaca i ima za cilj da uveća svoju proizvodnju i ekspertizu. Firma pruža usluge visokog kvaliteta i stručnost u oblasti elektromagnetnih, termalnih i mehaničkih analiza i dizajna konvencionalnih i nekonvencionalnih električnih motora i generatora. Od potencijalnog partnera se očekuje stručnost i iskustvo u sljedećim oblastima:

- elektromagnetizam,
- termalni aspekti,
- energetska elektronika,
- čvrsta i fluidna mehanika,
- integracioni sistem- i generalno elektro inženjerstvo.

Ova kompanija pruža tehnička rješenja svojim klijentima kao što su:

- kompletna laboratorijska oprema za dinamometre,
- ručno izrađene komponente izrađene od različitih materijala,
- industrijski motori sa četkicom izrađeni za različite namjene,
- kompletan spektar permanentnih magnetnih materijala za industrijsku i konvencionalnu upotrebu,
- čelični dijelovi za statore i rotore.

Od potencijalnog partnera se očekuje iskustvo u oblasti inženjerstva i dizajna, projektni menadžment, konsultacija i podrška u vezi patenta, karakterizacija mekanog feromagnetnog materijala itd.

#### EEN BiH PS 3 - Februar 2017

Ruska firma koja je specijalizovana za trgovinu i proizvodnju šećera, pahuljica, brašna i suhe hrane u potrazi je za proizvođačima i dobavljačima. Firma je osnovana 1998. godine i lider je među dobavljačima u regiji. Od potencijalnog partnera se očekuje da posjeduje GMO sertifikat (genetski modifikovana hrana), te da proizvodi prođu tri nivoa kontole. Potencijalni partner trebao bi dostavljati proizvode pod distribucijskim ugovorom.

#### EEN BiH PS 4 - Februar 2017

Poljski dobavljač visokokvalitetne kozmetike za kozmetičke i spa salone je u potrazi za proizvođačima ili distributerima profesionalnih kozmetičkih proizvoda kao što su: puderi za lice i bronzeri na bazi minerala, proizvodi za njegu noktiju, profesionalni proizvodi za tretman kose sa keratinom. Firma nudi distribucijske usluge na poljskom tržištu i u potrazi je za partnerima radi potpisivanja ugovora o proizvodnji. Firma pakuje i prepakuje proizvode te na taj način nudi proizvode pod svojim brendom. U potrazi je za novim dobavljačima profesionalnih proizvoda sa kojima bi sklopili ugovor o distribuciji. Ova firma prodaje robu preko različitih kanala prodaje, uključujući internet prodaju. Potencijalni partner može biti prodavač, distributer, proizvođač ili dobavljač profesionalne kozmetike. Jedinstveni i inovativni proizvodi su naročito privlačni za ovu kompaniju.

#### EEN BiH PS 5 - Februar 2017

Poljska privatna firma je u potrazi za dobavljačima orašastih plodova i suhog voća. Firma traži direktne proizvođače iz evropskih zemalja koje su spremne na dugoročno partnerstvo i potpisivanjem ugovora o distribuciji. Ova firma je aktivna na tržištu dugi niz godina i prepoznatljiva je po brzom napretku. Od potencijalnog partnera se očekuje da budu dobavljači zdravih grickalica kao što su: lješnaci, orasi, pistaciji, suho voće, bademi itd. Firma posjeduje svoje proizvode, ali je u potrazi za dodatnim proizvodima koje bi prodavala na poljskom tržištu. Ova firma posjeduje 90 prodavnica širom Poljske. Proizvodi moraju biti pakovani od strane proizvođača ili dobavljača u vrećicama od 1 kg, te da se šalju u malim količinama. Poljska firma je zainteresovana za veleprodaju i maloprodaju u zavisnosti od proizvoda. Od potencijalnog partnera se očekuje pouzdanost i iskustvo u saradnji sa internacionalnim klijentima te pozitivan finansijski status kako bi se osiguralo dugoročno uspješno partnerstvo.

#### EEN BiH PS 6- Februar 2017

Bugarski proizvođač građevinskih materijala, kao i materijala za izradu namještaja je u potrazi za inovativnim dobavljačima radi dugoročne saradnje. Ova firma nudi distribucijske usluge u Bugarskoj. Firma posjeduje iskustvo preko 20 godina i nudi pun asortiman građevinskih materijala za konstrukciju zgrada i svega što je neophodno za popravke, finalne radove, izolaciju ili dekoraciju doma. Firma je pouzdan i vjeran partner u industriji i zauzima vodeću poziciju na teritoriji sjeverno-istočne Bugarske sa 5 trgovačkih centara smještenih na različitim lokacijama u Bugarskoj. Firma želi distribuirati proizvode na bugarsko tržište pločice napravljene od: keramike i mermera (za kupatila i kuhinje) i sve za enterijer doma, uključujući proizvode od keramike, stakla, porcelana, željeza, itd.

Od potencijalnog partnera se očekuje da bude proizvođač, prodavač ili distributer, koji je u mogućnosti dostaviti konkurentne proizvode koji ispunjavaju potrebe klijenata na bugarskom tržištu. Traži će se sklapanje ugovora o distribuciji.

#### EEN BiH PS 7- Februar 2017

Hrvatski proizvođač plastičnih posuda je u potrazi za dobavljačima plastike (sirovina), radi potpisivanja komercijalnog ugovora. Ova firma dizajnira, razvija i proizvodi proizvode od plastike i u potrazi je za dobavljačima materijala polisterina (OPS) i folija od polivinil hlorida (PVC) u različitim bojama. Hrvatska kompanija je specijalizovana za proizvodnju različitih vrsta posuda i fokusirana je na dizajn i proizvodnju posuda za prehrambenu, farmaceutsku, konfekcijsku i kozmetičku industriju itd. Firma je osnovana 1995. godine i proizvodi posude standardnih veličina kao i onih napravljenih za potrebe kupaca. Potencijalni partneri mogu biti proizvođači ili distributeri OPS i PVC folija. Kompanija želi razviti dugoročnu saradnju sa pouzdanim partnerom koji ima iskustva u proizvodnji. Firma također posjeduje sertifikat ISO 9001.

#### EEN BiH PS 8 -Februar 2017

Holandska firma specijalizovana za dizajniranje cipela je u potrazi za dobavljačima drvenih đonova, potpetica i čvrstih unutrašnjih đonova koji se mogu koristiti uz inovativne visoke potpetice. Firma sa sjedištem u Holandiji dizajnira svoje brendove luksuzne obuće. Za proizvodnju ove obuće, oni su u potrazi za dobavljačima đonova i potpetica napravljenih od drveta kao i čvrstih unutrašnjih đonova. Firma je zainteresovana za potpisivanje ugovora o proizvodnji ili podugovaračkog ugovora. Ova firma je aktivna na tržištu već 10 godina i pruža obuku i radionice ljudima koji žele dizajnirati i proizvoditi obuću. Oni također prave uzorke i prototipove za dizajnere i proizvođače. Također izrađuju obuću po narudžbi, to može biti jedan par ili manja serija obuće. Prije nekoliko godina poduzetnik je odlučio da lansira dva brenda obuće. Prvi brend se bazira na izradi đonova i potpetica napravljenih od drveta dok drugi brend se bazira na kombinaciji kože od ribe i antilopa. Potpetice su napravljene od čvrstog materijala, elegantne su i otporne. Od potencijalnog partnera se očekuje iskustvo u proizvodnji obuće, te dobavljanje gore pomenutih dijelova obuće. Početna narudžba bi sadržavala oko 300 komada drvenih đonova i potpetica, i 500 komada unutrašnjih uložaka. Vremenom bi se narudžba povećavala.

#### EEN BiH PS 9 - Februar 2017

Hrvatska firma čija je osnovna djelatnost mašinska obrada (struganje, zavarivanje, gvoždarija) nudi usluge zastupništva i prodaje proizvoda usko vezanih za njihovu osnovnu djelatnost na hrvatskom tržištu. Firma ima dugogodišnje iskustvo i uključena je u serijsku proizvodnju dijelova za druge hrvatske firme, jednu firmu iz Slovenije iz auto industrije, te proizvođačima obuće. Proizvodi koji su proizvedeni primjenom jedne od metoda obrade metala imaju prednost, ali hrvatska firma, takođe, može predstavljati proizvode koji nisu predstavljeni na tržištu metala i obrade metala.

#### EEN BiH PS 10- Februar 2017

Poljska firma koja je specijalizovana za distribuciju inovativnih proizvoda traži inovativne

proizvode radi ekskluzivne distribucije na poljskom tržištu. Firma posjeduje dugogodišnje iskustvo u distribuciji i implementaciji inovativnih proizvoda stranih kompanija (npr.boce za vodu sa filterom). Firma je naročito zainteresovana za sportske sprave. Proizvod ne bih trebao da košta više od 100 eura za krajnjeg korisnika. Ova firma je u veoma aktivna putem medija (novine, tv, blogovi...). Od potencijalnog partnera se očekuje proizvodnja inovativnih i jedinstvenih proizvoda koji su jednostavni za rukovanje.